



**B balla arzānā la Bugmā n wilg maam, tɪ mam ka yā
būmb sōmblem sēn yuud mam sēn yā rūndā wā ye, la
mam ka yā wēng me n yuud mam sēn yā rūndā wā ye,
la yāmb sā n rag n yā būmb ning mam sēn yā wā, la y
bāng būmb ning mam sēn bāngā, y laadā rag n na yɪ
bilfu, tɪ kūnkumā wusge**

Yii a Anas [bn Maalik nengē, (Wēnd yard be a yīnga): būmb n ta Wēnd Tēn-tuomā nengē (Wēnd puusg la A tɪlgr be a yīnga) n yi a sahaabsē wā, t'a maan hutbā n yeele: «B balla arzānā la Bugmā n wilg maam, tɪ mam ka yā būmb sōmblem sēn yuud mam sēn yā rūndā wā ye, la mam ka yā wēng me n yuud mam sēn yā rūndā wā ye, la yāmb sā n rag n yā būmb ning mam sēn yā wā, la y bāng būmb ning mam sēn bāngā, y laadā rag n na yɪ bilfu, tɪ kūnkumā wusge». A Anas yeelame, (Wēnd yard be a yīnga) la rar ka wa Tēn-tuomā sahaabsē (Wēnd puusg la A tɪlgr be a yīnga) t'a keelem yuud ra-kāngā ye, tɪ b koesā yaa sēn wūundi kūnkumā keelem, t'a 'Umar (Wēnd yard be a yīnga) yeele: (D yara Wēnd tɪ yaa d Soaba la Lɪslaangā tɪ yaa d dīin la a Muhammad tɪ yaa d Nabiyaama). A yeelame: tɪ rao yik n yeele: āna la mam saamba? Tɪ Wēnd sik Aayarā: {Yāmb a sɪd-kōtba! Ra n sok-y yēla, tɪ b sā n vēneg-b n wīnig yāmba, pa noom yāmb ye} [Al-Maa'ida (Rūbā suura): 101]

[Naṣun Ṣaḥiḥun (Gom-sikdem sēn manege)] [B zemsa taab a zugu (A Al-Buḥaariy la a Muslim n reeg-a)]

Būmb n ta Wēnd Tēn-tuomā nengē (Wēnd puusg la A tɪlgr be a yīnga) n yi a sahaabsē wā, la rēnda yaa b sēn wusg bōosga a zugu, t'a gē n maan hutba n yeele: B balla arzānā la Bugmā n wilg maam, tɪ mam ka yā būmb sōmblem sēn yuud mam sēn yā rūndā wā ye, la mam ka yā wēng me n yuud mam sēn yā rūndā wā ye, la yāmb sā n rag n yā būmb ning mam sēn yā wā, la y bāng būmb ning mam sēn bāng rūndā wā, y rag n na yees yeesg tēkē, y laadā rag n na yɪ bilfu, tɪ y kūnkūmā wusge. a Anas yeelame, (Wēnd yard be a yīnga): La raar ka wa Tēn-tuomā sahaabsē wā (Wēnd puusg la A tɪlgr be a yīnga) t'a keelem yuud ra-kāngā ye, tɪ b koesā yaa sēn wūundi n yit yōyē wā, kūnkūmā keelem. T'a 'Umar (Wēnd yard be a yīnga) yik n yeele: D yara Wēnd tɪ yaa d Soaba la Lɪslaangā tɪ yaa d dīin la a Muhammad tɪ yaa d Nabiyaama. A yeelame: tɪ rao-kāngā soab yik n yeele: āna la mam saamba? T'a yeele: «Fo saamba la a zagla», tɪ Wēnd sik: {Yāmb a sɪd-kōtba! Ra n sok-y yēla, tɪ b sā n vēneg-b n wīnig yāmba, pa noom yāmb ye}. [Al-Maa'ida (Rūbā suura). 101].

النجاة الخيرية
ALNAJAT CHARITY

